



佢阿媽去洗衫

會記得細漢的時，佢阿公阿媽蹣庄跤。彼段日子無啥囡仔伴，煞是我人生中上難忘的記持。佢阿媽去溪邊洗衫，是我每日歡喜的開始。

逐日透早，阿媽手面若洗好，就愛共昨昏厝內大大細細換落來的衫仔褲，囡仔兩個竹籃仔內，用扁擔擔去溪仔邊洗。這款有水通要的齣頭，我哪會使綴無著？所以逐暗欲睏進前，我攏愛共阿媽交代一遍：「明仔早起愛叫我起床喔！」阿媽笑 bi-bi 共我的頭掌掌咧，親像有答應這個約束。

對阿媽蹣的低厝仔到溪邊，愛行一段田岸仔路。天貓霧仔光，草仔枝面頂的露水予日頭照甲金 sih-sih，像真珠全款遐爾嬌，用指頭仔承一滴來啖看覓，閣甘甜仔甘甜。田岸路細細條仔，阿媽行頭前，我綴後壁。伊愛戴瓜笠仔，穿真花的衫仔褲，有略仔曲痾，嘛定定穿黃色的靴管，行路的時，尻川閣會扭咧扭咧。吊仔扁擔雙片幌來幌去的竹籃仔，袂輸配合阿媽咧跳舞，實在真趣味！

阿媽洗衫的彼條溪，溪水清清清，看會著魚仔仔水底泅，嘛有真濟石頭，田嬰無就颺颺飛，無就停仔石頭仔頂歇睏。阿媽共較長條闊扁身的石頭，提來做洗衫枋；佢尻川差不多大細的石頭，就提來做椅仔，感覺閣真四序。大人無閒洗衫，囡仔就愛家己做議量。我的家私早就攢便便，有銅管仔、魚網仔佢清飯，阿媽逐擺擺笑我齣頭真濟。我共清飯先掖仔水邊，連鞭就看著一陣魚仔栽泅過來欲搶食，我就恬恬仔提魚網仔倚過去，等遐的魚仔栽泅仔魚網仔面頂時，就緊共個撈起來，囡仔我的銅管仔內。有當時要甲無趣味，就會徙去較邊仔有草的所在，共草仔略仔掀起來，揣看有蝦仔覷仔遐無？蝦仔是倒退攏的，用清飯共蝦仔啗出來了後，魚網仔就愛恬恬仔徙去伊後壁，才掠會著。就按呢變東變西，時間一目瞞仔就過去囉！

掠著的魚仔、蝦仔，我攏毋捌紮轉去，因為阿媽講愛共個放轉去，明仔載個才閣會陪我要，想想咧嘛真的道理！

作者：曾菁怡

☆詞彙學習☆

【貓霧仔光】bâ-bū-á-kng：天將亮時的日光。

【啖】tam：嚐味道。

【瓜笠仔】kue-lêh-á：用蒲葵葉做的斗笠。

【靴管】hia-kóng：雨鞋。

【颺颺飛】iānn-iānn-pue：胡亂飛揚。

【做議量】tsò-gī-niū/tsuè-gī-niū：消遣、排遣。排解愁悶、消磨時間。

【魚仔栽】hî-á-tsai：魚苗。剛由魚卵孵化成的雛魚。

【啗】siānn：引誘。